



Lub Xeev Pawg Txwjlaus Saibxyuas Cov Kev Xiam Oob Qhab Hauv Txoj Kev Loj Hlob (State Council on Developmental Disabilities (SCDD)) muaj lub homphiaj los mus xyuas kom meej tias cov neeg uas muaj kev xiam oob qhab hauv txoj kev loj hlob thiab lawv tsev neeg yeej tau txais cov ntaub ntawv, cov kev pab thiab kev txhawb uas lawv yuav tsum tau muaj lawv thiaj li yuav ua tau ib lub neej raws li qhov lawv nyiam, lawv thiaj li yuav nyob tau lawv tus kheej hauv cov zejzos lawv xaiv nyob thoob plaws xeev California.

Lub Xeev Pawg Txwjlaus Saibxyuas Cov Kev Xiam Oob Qhab Hauv Txoj Kev Loj Hlob ua tsaug tias nej coob leej tau mus teb qhov kev nug hais txog Lub Xeev Txoj Kev Npaj Los Dhia Dejnum. Tag nrho cov neeg mus teb nyob hauv online thiab ntawm cov kev cob qhia uas peb muaj nyob hauv zejzos yog muaj 6,329 tus neeg (cov lus nug yog muaj hais ua 17 yam lus los mus ntxiv rau lus Askiv). Peb tau muab cov lus teb coj mus nkag rau hauv Pawg Txwjlaus lub chaw ceev ntaub ntawv (database) (Qualtrics) thiab tau muab txheebxyuas los mus qhia tias saib cov kev pab tseemceeb tshaj rau cov neeg uas muaj kev xiam oob qhab hauv txoj kev ntse/kev loj hlob, rau lawv tsev neeg thiab lwm cov neeg nyob hauv California yog dabtsi.

Cov lus teb uas peb tau txais qhia tias kev ua haujlwm, kev muaj vajtse nyob, kev kawm ntawv thiab kev noj qab nyob zoo/kev nyabxeeb yog cov kev pab uas tseemceeb tshaj rau cov tib neeg. Cov tib neeg uas muaj kev xiam oob qhab hauv txoj kev ntse/kev loj hlob tau hais tias kev ua haujlwm yog yam kev pab uas tseemceeb tshaj rau lawv. Peb tau txais 1,530 daim ntawv nug uas yog peb tau los ntawm neeg Hispanic/Latino, suav nrog rau 496 daim ntawv nug uas yog hais ua lus mev nkaus xwb. Rau cov neeg hais lus Mev, kev kawm ntawv yog yam kev pab uas tseemceeb tshaj rau lawv.

Yog muab saib raws li tej yam uas tsoomfwv yuav kom Pawg Txwjlaus ua, tsoomfwv muaj peb (3) yam homphiaj: Kev Tawm Suab Los Txhawb Tus Kheej (Self-Advocacy), Kev Hloov Cov Kev Npaj Los Dhia Dejnum/Kev Tawm Suab, thiab Kev Qhia Kom Paub Ntau Yam Ntxiv/Kev Tawm Suab. Rau cov homphiaj ntawm Lub Xeev Txoj Kev Npaj Los Dhia Dejnum, cov neeg ua haujlwm tau

muab cov dejnum uas cov pejxeem hauv California tau hais kom Pawg Txwjlaus los mus ua coj los txheebyuas tag lawm. Qhov dejnum ntawm no yog muaj kev cob qhia, kev pab kom paub siv tej khoom siv, cov kev sib sau ua ke thiab dejnum tshwjxeeb, thiab kev npaj kom muaj ntaub ntawv qhia ntxiv thiab kev pab. Rau cov haujlwm hauv cov lus tshwjhw, cov dejnum tshwjxeeb, thiab kev hloov, Pawg Txwjlaus tau txiav txim los mus npaj kev pab rau kev ua haujlwm, kev kawm ntawv, kev muaj vajtse nyob thiab kev noj qab nyob zoo/kev nyabxeeb. Rau kev cob qhia thiab kev pab kom paub siv tej khoom siv, Pawg Txwjlaus cov neeg ua haujlwm yuav npaj kom muaj ntaub ntawv los qhia ntxiv, kom muaj kev cob qhia thiab kev pab nyob rau txhua yam kev pab uas tseemceeb rau cov neeg muaj kev xiam oob qhab thiab lawv tsev neeg.

Cov dejnum uas Pawg Txwjlaus tab tom npaj los mus ua thiab cov neeg uas lawv tab tom npaj los pab kom tau yeej yog nyob ntawm saib: 1) qhov kev txheejxyuas cov dejnum uas ua tiav hauv tsib (5) xyoos tag los no ho pom zoo li cas, suav nrog rau qhov tias saib yuav npaj muaj pes tsawg yam haujlwm thiab yuav pab kom tau pes tsawg tus neeg; 2) Pawg Txwjlaus cov neeg yuav pab tau neeg coob npaum li cas thiab yuav npaj kom muaj kev pab ntau npaum li cas; thiab, 3) txoj kev tsim thiab kev muab Pawg Txwjlaus txoj kev npaj los dhia dejnum hauv lub xyoo coj los siv. Pawg Txwjlaus yuav muab cov homphiaj hauv Lub Xeev Txoj Kev Npaj Los Dhia Dejnum coj los faib ua kom tiav nyob rau hauv tsib (5) xyoos ntawm lub sijhawm hauv Lub Xeev Txoj Kev Npaj Los Dhia Dejnum tjuas ntxiv tom ntej (2022-26).

Npaj raws li cov lus uas neeg teb (muaj txog txhiab lo lus teb) thiab Pawg Txwjlaus cov neeg ua haujlm txoj kev tshawbfawb, Pawg Txwjlaus Rau Lub Xeev Txoj Kev Npaj Los Dhia Dejnum tau tsim Lub Xeev Txoj Kev Npaj Los Dhia Dejnum. Pawg Txwjlaus thov kom pejxeem mus muab lub Xeev California Txoj Kev Npaj Los Dhia Dejnum Rau Xyoo 2022-26 coj los xyuas thiab qhia tias saib lawv xav li cas. Lub sijhawm uas muab rau pejxeem los tawm tswvyim ntawm no yuav qhib ntev li 45 hnub.

Lub Xeev Txoj Kev Npaj Los Dhia Dejnum Xyoo 2022-26

Lub Homphiaj 1: Kev Tawm Suab Los Txhawb Tus Kheej

Pawg Txwjlaus yuav txhawb cov tib neeg muaj kev xiam oob qhab hauv txoj kev ntse/kev loj hlob lub zog kom lawv hloov tau mus ua cov neeg uas mus tawm suab thiab txiav txim tau rau lawv tus kheej, kom lawv mus ua tau cov neeg cob qhia lwm tus neeg thiab mus ua tau cov coj nyob hauv lub zejzos.

Qhov Xav Kom Ua Tau Tiav 1:

Pawg Txwjlaus yuav npaj kom muaj ntaub ntawv, muaj kev pab thiab muaj 125 qhov kev cob qhia los mus txhawb zog rau 1,250 tus neeg uas lawv mus tawm suab thiab txiav txim los txhawb lawv tus kheej nyob rau hauv:

- 1)** kev paub thiab kev thov cov kev txhawb thiab kev pab uas yuav tsum tau muaj rau lawv;
- 2)** kev hloov mus ua cov neeg cob qhia thiab pab cov neeg muaj teebmeem ib yam li lawv; thiab,
- 3)** kev kawm kom paub mus tawm suab thiab kev muaj cibfim mus tawm suab los mus hais kom muaj kev pab ntxiv rau tej yam uas tseemceeb rau lawv thiab lawv tsev neeg.

Qhov Xav Kom Ua Tau Tiav 2:

Pawg Txwjlaus yuav npaj kom muaj kev pab, kev txhawb thiab cibfim rau lawv mus tawm suab pab cov tib neeg xiam oob qhab zoo ib yam li lawv/cibfim rau lawv mus ua cov coj los ntawm kev mus nrog cov neeg muaj kev xiam oob qhab sibtham kom tsawg kawg los yog 1 zaug nyob thoob plaws lub xeev thiab 12 zaug nyob hauv ib cheeb tsam sib ze ntawm cov chaw pab kev tawm suab los txhawb tus kheej, kom pab tau 6,000 tus neeg uas lawv mus tawm suab los pab lawv tus kheej.

Lub Homphiaj 2: Kev Hloov Cov Kev Npaj Los Dhia Dejnum (Systems Change)/Kev Tawm Suab (Advocacy)

Pawg Txwjlaus yuav yog tus ntaus thawj hauv txoj kev koomtes nrog tsev neeg/cov neeg tawm suab los txhawb tus kheej thiab lwm cov neeg los mus tiv thaiv thiab ua kom cov neeg xiam oob qhab muaj cai ntxiv thiab kho cov kev pab hauv lub zejzos kom zoo ntxiv los pab thiab txhawb cov tib neeg uas muaj kev xiam oob qhab hauv txoj kev ntse/kev loj hlob thiab lawv tsev neeg.

Qhov Xav Kom Ua Tau Tiav 1:

Pawg Txwjlaus yuav tsim, kho thiab/lossis pauv 30 txoj kev dhia dejnum, 15 nqis lus tswjhw, thiab 10 txoj cai (lossis lus qhia kom ua) thiab/lossis cov cai nyob hauv cov kev npaj los dhia dejnum ntawm cov chaw pab nyob hauv ib cheeb tsam sib ze, hauv cov kev pab nyob hauv lub zejzos, thiab hauv tsoomfwv cov chaw tuav dejnum. Qhov haujlwm no yuav muaj kev pab rau kev ua haujlwm, kev kawm ntawv, kev muaj vajtse nyob, thiab kev noj qab nyob zoo/kev nyabxeer uas yuav muaj txiaj ntsim rau cov tib neeg muaj kev xiam oob qhab hauv txoj kev ntse/kev loj hlob thiab tiv thaiv cov cai lawv muaj, hais kom nco qab ntsoov txog cov neeg xiam oob qhab, thiab/lossis npaj kom muaj kev txhawb thiab kev pab ntxiv los ua kom pom tias lawv lub neej zoo tshaj qub.

Qhov Xav Kom Ua Tau Tiav 2:

Pawg Txwjlaus yuav muaj cov kev pab tshiab/cov dejnum tshwixeeb thiab/lossis cov kev sib sau ua ke li 20 zaus nyob rau ntawm tej cheeb tsam sib ze thiab 5 zaus nyob thoob plaws lub xeeb los pab rau kev ua haujlwm, kev kawm ntawv, kev muaj vajtse nyob, thiab kev noj qab nyob zoo/kev nyabxeer los mus:

- 1)txhawb zog rau 5,000 tus tib neeg (tsev neeg/cov neeg tawm suabb los txhawb lawv tus kheej thiab lwm cov neeg) nyob hauv txoj kev hloov cov kev dhia dejnum thiab muab ntaub ntawv qhia ntxiv rau lawv, muaj kev qhia kom lawv paub ua ub ua no thiab/lossis muaj kev txhawb kom lawv mus ua cov neeg tawm suab; thiab/lossis,**
- 2)tsim kom muaj kev pab ntau ntxiv los mus txhawb cov tib neeg muaj kev xiam oob qhab hauv txoj kev ntse/kev loj hlob thiab lawv tsev neeg.**

Lub Homphiaj 2: Kev Hloov Cov Kev Npaj Los Dhia Dejnum (Systems Change)/Kev Tawm Suab (Advocacy)

Qhov Xav Kom Ua Tau Tiav 3:

Pawg Txwjlaus, nrog kev koomtes los ntawm tsoomfwv plaub (4) lub chaw tuav dejnum hauv California (ib lub yog hu ua Protection and Advocacy thiab peb(3) lub yog hu ua University Centers for Excellence in Developmental Disabilities), yuav soj ntsuam saib txoj (cov) kev dhia dejnum hauv kev pab tsim tau teebmeem zoo li cas rau cov tib neeg uas muaj kev xiam oob qhab hauv txoj kev ntse/kev loj hlob los ntawm txoj kev xaiv ib yam kev pab nyob hauv Lub Xeev Txoj Kev Npaj Los Dhia Dejnum (State Plan), xws li kev kawm ntawv, kev ua haujlwm, kev muaj vajtse nyob, kev noj qab nyob zoo lossis kev nyabxeeb, thiab kev qhia tias saib txoj (cov) npaj los dhia dejnum hauv kev pab uas muaj tam sim no pab tau cov tib neeg muaj kev xiam oob qhab hauv txoj kev ntse/kev loj hlob zoo li cas (suav nrog cov tib neeg uas tau txais thiab tsis tau txais kev pab los ntawm txoj kev pab raws li ib Cheeb Tsam Sib Ze (Regional Center system)), kev tu ncua hauv txoj (cov) kev pab, cov tswvyim uas pom zoo tias yuav muab txoj (cov) kev pab kho zoo li cas thiaj li yuav pab tau raws li cov homphiaj ntawm tsab cai DD Act, thiab kev mus hais kom muab cov lus tswjhwm thiab kev dhia dejnum hloov. Qhov kev koomtes yuav muaj 2 tsab ntawv nthuav qhia, 6 lub tswvyim uas pom zoo kom muab cov lus tswjhwm lossis kev dhia dejnum pauv, thiab 2 yam pauv nyob hauv cov lus tswjhwm lossis kev dhia dejnum.

Pawg Txwjlaus yuav koomtes nrog thiab txhawb zog rau coob tus tib neeg ntxiv uas muaj kev xiam oob qhab hauv txoj kev ntse/kev loj hlob thiab lawv tsev neeg, sub lawv thiaj li paub tias cov cai lawv muaj yog cov twg thiab thiaj li yuav mus tawm suab tau tias lawv xav tau cov kev pab dabtsi thiab lawv thiaj li yuav tau txais cov kev txhawb thiab kev pab uas lawv xav tau.

Qhov Xav Kom Ua Tau Tiav 1:

Pawg Txwjlaus yuav npaj kom muaj (cov uas lawv cov neeg ua haujlwm yog cov qhia, cov uas cov neeg xiam oob qhab yog cov qhia thiab/lossis lawv cov neeg ua haujlwm thiab cov neeg xiam oob qhab koomtes los qhia ua ke) kev cob qhia rau 60,000 tus tib neeg (tsev neeg/cov neeg tawm suab txhawb tus kheej/lwm cov neeg) los ntawm lub xeev - saum huabcua (virtually), hauv online thiab/lossis tim ntsej tim muag - thiab npaj kom muaj kev qhia kom paub siv tej khoom siv (TA)/kev qhia kom paub mus tawm suab, kom pab tau 50,000 tus tib neeg hauv txoj pab thiab cov chaw muaj kev pab los mus ua kom paub tias cov kev txhawb thiab kev pab twg yog cov uas yuav pab ua kom cov tib neeg muaj kev xiam oob qhab hauv txoj kev ntse/kev loj hlob yuav ua tau ib lub neej muaj kev nyabxeeb thiab kev noj qab nyob zoo ntau tshaj qub thiab saib lawv yuav mus thov cov kev pab ntawd zoo li cas.

Qhov Xav Kom Ua Tau Tiav 2:

Pawg Txwjlaus yuav muaj 100 yam dejnum thiab kev sib sau ua ke nyob rau hauv kev ua haujlwm, kev kawm ntawv, kev muaj vajtse nyob, kev noj qab nyob zoo/kev nyabxeeb thiab lwm yam teebmeem uas muaj tshwmsim los ua kom pab tau 25,000 tus tib neeg (tsev neeg/cov neeg tawm suab txhawb tus kheej/lwm cov neeg) los ntawm txoj kev siv ntaub ntawv thiab kev pab los mus qhia kom lawv muaj txujci ntxiv thiab kom lawv paub ntau yam ntxiv sub lawv thiaj li yuav mus thov tau cov kev txhawb thiab kev pab uas tseemceeb rau lawv.

Qhov Xav Kom Ua Tau Tiav 3:

Los mus ua kom txoj kev mus kawm ntawv uas muaj rau kawm dawb, muaj los qhia sib npaug zos rau txhua tus neeg kom haum raws li tus tib neeg txoj kev paub, Pawg Txwjlaus yuav koomtes nrog 5,000 yim neeg/tus neeg tawm suab los txhawb tus kheej uas hais lus Mev nyob thoob plaws lub xeev los mus tawm suab txhawb thiab hais kom muaj cov kev pab tshwjxeeb rau kev kawm ntawv ntau ntxiv los rau lawv siv nyob hauv cov chaw qhia ntawv hauv lawv lub nroog.

Thov qhia saib koj xav li cas